

2 Son

Yesu wel wiak kutömweri sēen wē krismaki 60 pōta ök won sēen Sonök pep epwer kak nerek ingre mor sauröaan retēng ēa. Narök kön wiin pi öng nampēen retēng ēa. Ēn narö selap kön wiin ingre mor sauröaan pēl ēa. Sonök pit neneren lup sant elmēere kaar omnaröa ngönötēen ngarangk ē pēl ēēpēnēak mēea.

Pöt epēl wia.

Ngön ngēs rēaut 1-3

Lup sant yaauta ngönte 4-6

Ngönēn kaarötēen pepanöm ngönte 7-11

Ngön mēēt 12-13

¹ O ingre mor sa, Anutu pimtēen wesaurö, ne ngönēnē wotöök nampök arimēen pep epwer retēng ē yaningk. Ne yaap pan arēn lup sant yaalni. Pöt nemēt won. Ngön kēēt kat yawiaurö pitta ten pourö lup sant yaalni.

² Ngön kē tiarim naē wia epēt om wiakaim wiaapnaat. Pötaanök arēn lup sant yaalni.

³ Tiar ngön kēētere lup santtaring wēen Anutu Pepere Ruup, Yesu Kristo, piarpim komre kolapre yakömre mayaap pöt tiarim naē wiaap.

Tiar lup sant yaautaring öpa

⁴ Arim naēaan narö Pepa ngön kēēt tiarēn ök niaö pöt kat wiak ēnēm yaē pēl aan kat wiak ya kē saut.

⁵ Ingre mor saurö, kaalak ök yeniak. Tiar neneraan lup sant ēēpa. Ngön kosang epēt ngölöpēt won, ngaanēer kat wieimaut.

⁶ Lup sant yeë pötak Anutuu ngön kosangta enëm yeë. Tiar ngaanëer ngön kosangtak lup sant eëpena epët kat wiaut.

⁷ Kaar omnarö selap pan oröak yang poutë wë. Pit Yesu Kristoon, “Pi omën sak naaröönöp,” pël yaauro. Pötaanök nampök ngön ke pëlte yaan pöt pi kaar omnamp, Kristoën Ngaap, pël wasëpenaat.

⁸ Ngarangk këekë eën. Pël yaëen arim ya yamëngk pöta këët, nent kö nasëpan, pout önëët.

⁹ Omën namp pi Kristoë ngönte taintaë wak naön ilap riak ngön maimetaring irikor yaë pipop Anutu piiring naön yaë. Ën namp Kristoë ngönte taintaë wak wë pipop Pëpapre Ruup pouwaar piiring wë.

¹⁰ Pötaanök namp pi arim naë wais oröak Yesuu ngönte won, maim nent ök yeniaan pöt omën pöp koirak arim kaatë së ulmëak yoöre ërëp manganok.

¹¹ Omën namp kaar omën pöpön yoöre ërëp mëak ompyaö yaalmë pipop pi omën pöpë ya utpet pöt kaamök yaaup.

Ngön mëët

¹² Ne arën ngön kësang ök niamaatak pepatë retëng eëmaaten kaaö. Nem kentöök naë wais arring ngönngön ëak ërëpsawi kaö eëpenaaten kent yaë.

¹³ Ingre mor sak nem naë wëen Anutuuk pimëen yaö wesaö eporö, pit niin yowe yenia.

[Yok pi tapët.

Ne arim pepap, Son.]

NGÖNËN PEPEWER
The New Testament in the Weri Language of Papua
New Guinea
Nupela Testamen long tokples Weri long Niugini

copyright © 1984 Wycliffe Bible Translators, Inc.

Language: Weri

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

ec1ac06d-1c8c-5be3-8326-dcf0ceacd4c2